

L'omu secunnu la tiuria darwiniana

- L'omu, cumpari, avi un naturali
sempri di costroìrisi da sé...

Ju haju un libru, dittu vigetali,
ca c'è 'na spiega di zoccu è ed è...

La quale, ca c'è scrittu, tali e quali,
l'arvolo discinnenti di Nuè,
unni ca l'omu nasci di l'armali
e nni proveni dello scimpanzè...

Non artro, ca la signa è quattru manu,
mentri che il sceccu è dritto: quattru peri...
d'unni nni vinni cungegnu umanu...

Cunsistenti ('ddu libru sempri 'nsigna)
ca l'omu avi du' manu ccu du' peri...;
e quindi è menzu sceccu e menzu signa!